

合肥縣志卷第三十一

賜進士出身廬州府合肥縣知縣左輔纂修

集文第一

賦

朝霞山賦

國朝 王 裒 邑人

肥之東南七十里有山曰朝霞故名四鼎俯瞰大湖
煙雲四際一郡勝境也某與之鄉里乃絆塵海不能
住足靈峯雖隴不移文而心常內媿甲戌春諸同人
偶存其勝各命賦焉抽藻抒懷將毋山靈謂我唐突
不其詞曰粵靈區之縹渺兮蔽合州之東南伊神明

合肥縣志卷三十一

集文 一

之扶持兮欲太虛而結嵐蔭珠斗之煥爛兮竚入淮
肥之廣覃遠揖灑霍近拱金庭斜挈施口俯嚼湖脣
宛清淑之畢萃乃體合而枝分雖四峯之偕矗實一
氣之輪囷離立兮左頡而右頡肩隨兮同根之相親
翫嵯峩之儔侶倣兄弟與友生若乃萬竅怒號風濤
澎湃湧若大人初釣鰲背連起於海濱也風止濤息寂
然無響則踏歌神娥聯臂而登屏也至於芳春淡冶
草木蒙密似西施鄭旦雙黛之對勻也草枯木落童
童突兀則阿羅削髮結半而未行也四序倏呻詭以
變態兮煙起霧落乍析而乍并踉蹌柴虎蔽虧不常

兮糾蓼衝蕤紛拏而氤氳是皆遠而相之其形狀焉
若夫著不借振金策度赭碕穿嶺賚探鸚鵡之石踏
蠓螺之凸仰身若顛舉趾輒歇後侶猿攀前徒鳥滅
貪險倖危東西遍躡或駢衍之可席兮或暫立而悚
懼旣兩岬如牽起兮亦中高而困閉豕列浮肺之
竅兮削成斷罔兩之舌金鈴狎獵以散芳兮銀杏龍
葱而垂樾陽岡曜不死之草兮陰崖停不治之雪風
萬里其襲裾兮煙四眺而蠓蟻弔洗耳於居巢兮嗟
肥濱之告捷江氣飛而抒經兮淮氣搖裔於匹帛龜
何年而朱眚兮陷湖波之漈洌汨杳渺其無地兮浸

倒影於崑窠鳥拍拍其欲墮兮帆轉飛而明滅俯仰
塊圯倏忽生悲兮蒙籠曠蕩感之而又悅一日之內
而生肅殊候兮指顧之間而興懷各別羌登臨之足
美兮遊盤桓而忘歸畱信宿以夷猶兮見朝霞之掞
奇澄沆瀣之半沈兮咄頽羝之將晞掩烏目以趯岸
兮甘淵浴而騰輝黃人抱輪而仰噓兮鵝狹登枝而
霍揮初勃窣以外烜兮若仙家燒爛石於壘湄斷翕
絕以廣燠兮似萬電笑海而竝馳璘璠馱駁參差激
射兮又疑貝宮寶燄珠碧珊瑚雜起而陸離條條擾
擾炫燿恍惚兮又疑蛟人貢綃赤黃錦績五色之爭

披熊熊渾渾沖霄直上兮又疑太乙鍊爐童子失守
元氣迸出而淋漓方攘照爛舉不一狀兮閃爍燦
眾形之互移目眴泯而不定兮倚山椒而意迷思一
杯以入咀兮卻興訛之三尸倘蕊淵之可卽兮折若
木而攀六螭庶長生以久視兮竚松喬之幽姿悵瞳
矐之寥絕兮歎此遊之末期步徙倚以覽古兮訪伯
陽之舊踪覲丹池之淵澗兮神長擁護於虎龍苟一
勺而上升兮余又何惜乎相從昔鄒生之倜儻兮棲
幽襟於此峯雖英聲之蜚騰兮亦未竟免於塵容洵
仙骨之不易兮知大藥之難逢矧余生之侘傺兮性
懵董以屯蒙朝餐湖之菰米兮夕蔭岑壑之長松期
世味之幹濯兮養清寂於予曾縱一遊之怡志兮終
惜別乎寵嵒悵徘徊以方皇兮忽乎吾之轉蓬彼三
壺匿影於重溟兮層城弱水之難通信美而非吾土
兮曾未由以披窮茲福庭之伊邇兮奚不獲旦旦而
支筇回余駕於城市兮魂猶容與於空濛咤世途之
險昧兮羨山靈之沖融跬步起而輒躡兮白晝擲揄
於鬼雄欲毀冠而裂帶兮恨期劫之未終草衣芒屨
未卜何日兮長偕逸侶逍遙於四鼎之崇隆

朝霞山賦

徐乾

崑崙之區有水五色赤水之光滉瀆上塞蔚爲晴霞
彌漫八極睠惟茲山亦著其華渥彩散綺巢湖之涯
粵稽遺跡始自伯陽丹氣燎燭超騰焯焯洪紛相錯
燦爛成章青霄煙靄翠幕雲張紅采陸離紫氣宛延
悠悠浮空霏霏流天恍丹邱之路近儼赤城之峯連
當夫金樞沈景扶桑飛暉掩映晴麓燭煜水湄沙汭
敷文縟組流輝落潮波以互照映雲翼而孤飛倘恍
綺疏斐夔林垆陽崖漾采陰渠涵青琪樹濯露而垂
珠嵐光撥霧而耀精其爲狀也菲菲郁郁紛綸高張
炯焜無端眴渙靡方輕若鴻起華若鸞翔天宇晃朗
而彌峻日氣的爍而益揚轉移錦布凝曜金鋪璀璨
的爍岩壑象殊變幻離散乾奧坤區何有何無歸於
太虛

詩

裴大擇赴廬州長史

唐李白

西江天柱遠東越海門深去割辭親願行憂報國心
好風吹落日流水引長吟五月披裘者應知不取金

春日巢湖書事

杜荀鶴

暖掠紅香燕燕飛五雲仙珮曉相攜花開鸚鵡韋郎
曲竹亞虯龍白帝溪富貴萬場歸絮酒是非千載逐
芳泥不知多少開元事露泣春叢白日低

姥山

羅隱

臨塘古廟一神仙繡幌花容色儼然爲逐朝雲來此

合肥縣志卷三十一

集文五

地因隨暮雨不歸天眉分初月湖中鑑香散餘風竹
上煙借問邑人沈水事已經秦漢幾千年

孫莘老移廬州

宋蘇軾

爐錘一手賦形殊造物無心敢望渠我本疎頑固當
爾子猶淪落況其餘龔黃側畔難言政羅趙前頭且
眩書惟有陽關一杯酒殷勤重唱贈離居

巢湖

劉攽

湖勢西來迴川形百道開中流還巒嶼倚市有樓臺
入望蒼煙合凌虛白浪逐興來思擊楫慚愧濟川才

過廬州

朱服

昔年吳魏交兵地今日承平會府開沃壤欲包淮甸
盡堅城猶抱蜀山迴柳塘春水藏舟浦蘭若秋風教
弩臺獨有無情原上草青青還入燒痕來

過廬州逢葉兩湖

李元陽

昨年離爾出咸京別後浮沈百感盈肥水蜀山逢下
馬苑雲宮柳憶啼鸞江湖歲晏一書札天地人生幾
合并夜坐不辭僧舍雨其如風笛度秋城

送范仲訥往合肥三首

姜夔

壯志只便牽馬上客夢常在江淮間誰能辛苦運河
裏夜與商人爭往還

合肥縣志卷三十一

集文 六

我家曾住赤闌橋鄰里相過不寂寥君若到時秋已
半西風門巷柳蕭蕭
小簾燈火屢題詩回首青山失後期末老劉郎定重
到煩君說與故人知

飛騎橋

李育

魏人野戰如鷹揚吳人水戰如龍驤氣吞魏土惟吳
王建旗敢到新城劓霸王身當萬夫敵麾下倉皇無
羽翼途窮事變接短兵生死之間不容髮馬奔津橋
橋半撤洶洶有聲如地裂蛟怒橫飛秋水空鶚驚徑
度秋雲缺奮迅金羈汗霑臆濟主艱難天借力艱難

始是報恩時平日主君須愛惜

在合肥幕中有作

彭汝礪

幕府瞻雄盛朋遊望俊髦雙松鬪冰雪一鶚出蓬蒿
春雨吟花蒂秋霜薦蟹螯山川畱翰墨天地入風騷
感慨驚多變微生病一號酒卮餘寂淡詩筆惠英豪
憂思生心腑塵埃土鬢毛簿書今日困道路此身勞
小雨開濡滯清飈散鬱陶小亭山可見從此欲登高
廬州師李仲詩春風亭會飲得塵字

戴復古

玉關人老鬢絲新千里長城在一身氣使黃金結豪

合肥縣志卷三十一

集文七

傑手揮白羽靜風塵山河四望亭中景桃李一開天
下春向日滿城騎戰馬如今四野盡耕民

郡城眺望

郭祥正

蜀山迴出千螺秀肥水長縈一帶迴猶有金陵藏後
浦不惟銅雀起高臺

澄惠寺

冠帶淮南第一州揚鞭得從使君遊木魚聲繼東臺
曉水苻香傳後浦秋

題浮槎山

釋用遜

山爲浮來海莫沈蕭梁曾此布黃金梵僧親指耆闍

路帝女歸傳達磨心地控好峯排萬仞澗餘流水落
千尋靈蹤斷處人何在日夕雲霞望轉深

宋統制姚興詩

金主亮

獨領孤軍將姓姚一心忠孝爲南朝元戎若假徵兵
檄未必將軍死尉橋

巢湖聖妃迎神歌

元于欽

廣開兮龍宮御仙姥兮下雞籠神靈雨兮先以風雲
溶溶兮漸以東揚朱幢兮建翠旗驂青虬兮從文螭
鏘鸞音兮下來若有人兮開羅幃羅幃淡兮春風儼
仙靈兮在中集千艘兮鳴鼓疏節歌兮緩舞奠桂酒
兮藉蘭肴折芳馨兮遺遠渚神忻忻兮旣妥畱澤斯
民兮受其嘏

送神歌

駕雲龍兮倚衡捲珠簾兮暮雲平西江兮極浦數峯
兮青青青青兮未極君不少畱兮起予太息吹參差
兮水湄送仙姥兮西歸蛾眉颯兮秋霜淡白雲兮莫
知所之自今兮世世俾來兮願無違

立春日合肥道中短述

明王守仁

臘意中宵盡春容傍晚生野塘水輕綠江寺雪初晴
農事沾泥犢羈懷出谷鶯故山梅正發難寄欲歸情

包城寺

行臺依獨寺僧屋自成鄰殿古凝殘雪墻低入早春
巷泥晴淖馬檐日暖烘人雲散小岩碧松梢極目新

三城寺

葉盛

太平鄉里三城寺境界清虛迥不同當面萬山迎佛
閣週圍一水護禪宮龍歸優鉢曇花雨鶴舞香煙貝
葉風我爲省耕來到此吟詩幽興正無窮

合肥道中

羅洪先

潯陽渡江江水新十日回首淹風塵鄉關別久夢仍
亂世事更多淚故頻欲憑北雁傳消息不見南州一

合肥縣志卷三十一

集文九

故人野樹溪花正無賴淡煙疎雨自含顰

夏日鎮淮樓登眺和巡臺劉公沂東韻

張瀚

仲夏景氣佳凭虛一延睇飛閣互中天幽遐紛無際
蜀嶠西爲壩南巢旋溶瀾崇岡出斗躔淮肥浩東逝
川原界吳楚聲教近魯衛峻堞何透池井邑煙火翳
駢闐參四國帆轂互飄繫沃土本宜稼雲疇靡畱藝
巍巍南北雄控扼天下勢緬茲教弩臺臺荒梵宮麗
散兵亦有灣千秋愴興替豸使勤省方青驄此淹憩
解慍報遠風開心暢朝霽誠知忝虎符適用渺塵世

遊蜀山同孫節推

郡城西接蜀山頭夏木千章蒼翠浮
蜃起南巢貝闕水環神姥卽青邱
勝遊不負三年約塵事聊從一醉休
旋闢荆榛攀絕頂望中雲日迴關愁

思惠樓

沈明臣

高樓四面俯晴郊古道荒城半白茆
秋色中原迴萬里天空落木見孤巢
鄴都王粲應畱賦西蜀楊雄自解嘲
頭白異鄉何所事江淮日暮楚雲交

鎮淮樓登眺

魏柵吳城幾劫灰高樓日暮且徘徊
藏舟浦斷寒潮

合肥縣志卷三十一

集文十

落教弩臺荒野寺開六國天霜凋露草
九江秋色老宮槐淮南重鎮爲金斗
白屋蕭條誰爲哀

鎮淮樓登眺

顧璘

天半高樓誰構成畫闌朱棟倚虛明
江湖一片當窗瀉雲霧千重對酒生
獨立淮肥雄舊國下聽弦誦藹新聲
夜深燈火隨星散不盡風流地主情

遊白鶴觀

馬廷用

經過此地見瑤臺曾是仙人跨鶴來
松逕晝寒惟雪鼎茶鑪煙冷半莓苔
一尊臘後春前酒四座淮南冀北才
坐久不知衙吏散隔溪猶聽晚鐘催

經護城

劉節

邨市三場輟晨征又護城欹橋盤徑折殘寺下鐘鳴
草樹兼天遠風煙接地輕自看頭已白車馬若爲情

威遠亭

熊文舉

寒霜一夜鬢絲斑鈴鐸從風不暫閒乍對劔威添月
暈將杼纛怒結煙鬢孤忠自耿干陬末萬敵誰麾羽
扇間莫向星文瞻紫氣氤氳猶擬是函關

秋日攜來任卿登蜀山

馬猶龍

山擁淮城近溪流楚塞長暮雲間出岫涼月夜侵牀
梵響禪扉寂碑殘古殿荒置身緱嶺上何必問西方

合肥縣志卷三十一

集文 十一

秋暮同周元孚朱大復登蜀山絕頂

無復登高興何由問晚山嵐煙寒不墮秋樹老逾閒
苔砌空門古雲深石磴刪世情今已見聊爲理禪關

題稻香樓

國朝
邵陵

洞壑深沉白日陰空階行處綠苔侵斷無人跡惟荒
草一院秋蟲自在吟

慘淡郊原落日黃一聲秋笛下牛羊高樓不見人危
倚依舊西風送稻香

登郡城重修鎮淮樓

沈衍

廿年烽燹凋殘後嶽峙崇樓復舊觀蜀阜雲連天柱

迴淮流潮逐海門寬孫曹百戰餘閒眺吳楚千巒入
畫看偶共憑欄同嘯咏凌風五月怯輕寒

四頂山

張彥修

翠巒齊聳壓平湖晚綠朝紅畫不如寄語商山賢四
皓好來各占一峯居

浮槎山祈雨詩

張祥雲

海客乘槎汎滄海客去槎畱幾千載誰將神物歸巨
靈擘作奇峯浮渤澥蓬瀛方丈稱三山此峯勢與爭
巒岼馮夷翻風鯨鼓浪遂令漂蕩來人間金斗城東
八十里疊嶂層巒半空起高僧飛錫西天來指說闍

耆一峯是蕭梁佞佛尊浮屠帝女夜夢山中居詰朝
披圖得形肖道林祝髮爲緇徒至今梵宇開崇阜碣
斷碑殘苔色朽猶傳塔下海榴紅植自總持大師手
山頭有泉冽且甘下有龍窟潛深潭噓氣爲雲沫爲
雨禱而輒應膏澤含壬戌之秋亢陽烈北陌西阡龜
兆坼祭雩空瞻上帝居焚香近叩山靈宅仙之人兮
下層穹鞭走列缺驅豐隆須臾巖壑變陰晦一雨露
是千邨同嘉禾就枯更抽穗吾民望歲情差慰輿誦
寧知默相功卻欣甘澍隨車至歐陽作記傳千秋汲
水遠餽誇李侯我今祈年獲靈雨愜心豈獨林泉幽

好倩五丁勤守護嵯峨永鎮淮西路江湖咫尺波濤
寬莫遣浮來又浮去

包孝肅公祠

周鶴立

雲木標新構煙蘿繞舊莊天開水精域人仰讀書堂
淡月藻涵影晚風花送香年年春雨活魚味亦畱芳

箏笛浦

左輔

搜神尋舊浦

事載搜神傳

浪說綺羅紛豔質一時盡清歌

何處聞落花銷別琯荒夢散朝雲回首西陵樹何曾
駐夕曛

謁包孝肅公祠

合肥縣志卷三十一

集文 十三

侵晨潔蘋藻來拜先生祠松曉露猶凝花寒香乍披
登堂懷履舄臨水鑑須眉俯仰釣遊地風徽邠可追
登大蜀山尋淵濟龍王廟故址

已覺出雲表曠然登此山春風喧鳥語一路到禪關
獨水清堪鑑孤亭廢莫攀煙蘿誰是主松桂未全刪

其二

慧遠千天澤譚經夜有靈蛟門苔不蝕龍穴草猶腥
風雨何空闊巖阿自杳冥新宮如可作應乞少霞銘

過藏舟浦感作

懷古會吟貢父詩個中島嶼尚參差淮風楚雨年年

異廢隴荒臺處處疑斷碣難尋澄惠寺古津都誤竇
家池何須更覓藏舟浦野草無花霜自吹

亦吾廬試浮槎山泉

一泓靈液浸何深符調居然出道林認取清寒舊風
味出山仍是在山心

較量冷惠復何如六一文章信不虛畢竟靈山有真
脈淺深斟酌在吾廬

書郡齋壁

宋包拯以下
邑人

清心爲治本直道是身謀秀幹終成棟精鋼不作鈎
倉充鼠雀喜草盡兔狐愁史冊有遺訓毋貽來者羞

合肥縣志卷三十一 集文 十四

過護城

明宋瑄

古道當長坂肩輿入暮天蒼茫聞驛鼓冷落見炊煙
凍燭寒無焰泥鑪溼未然正思江檻外閒卻釣魚船

浮槎山泉

高誨

湖上仙山峩峩起石虬穿破蒼冥底漫流絕壁乳花
圓枯槎細瀉銀河水遙遙誰取寄神州千載文章重
歐子我生四十餘春秋因循欲致還無由黃堂昨午
俄分潤塵衿洗淨何悠悠新葺石鼎晴雲結急雨澄
江浪翻雪綠煙飛入湘簾深暖散浮花香不竭笑呼
滿啜定州瓷真有清風生兩腋六一仙人去不還繼

高
清
鳳
淮
河
南
莫
言
一
酌
渾
成
差
山
水
從
今
更
增
價

登四頂山

黃道年

振衣高處聽鳴榔
煙樹蒼茫隔水鄉
苔蝕斷碑丹竈冷
棘懸殘壁白雲長
瀕湖魚浪翻晴雪
歸路樵斤下夕陽
莫道停車畱信宿
風流今始寄山房

登浮槎山

黃道月

山雲紛應接駐蓋
騁雄觀樹老青銅
蝕泉枯白練乾風
吹蘿欲立霧淨石
長寒一著登臨屐
千峯色自闌遊鮑
明遠讀書處

崩臺開曠面殘葉
集孤清何事橫洲
上而畱鮑照名

合肥縣志卷三十一

集文 十五

淡煙依宿莽疎雨
發長荆榭葉吟風
夜還疑誦讀聲

鎮淮樓晚眺

黃道日

臺臨河勢曲樓敞
夕陽偏騁望推空
闊傷心屬變遷雨
消青野岸風斷綠
楊煙爲惜湖山迥
長歌思悄然

遊蜀山

春色坐來晚山閒
盡日青無風雲黛
合欲雨草煙腥泉
湧畱僧異龍枯結
塚靈湖天遙在目
曠望若爲醒

中廟

儲良材

湖上高樓四面開
夕陽徙倚首重回
氣吞吳楚千帆落
影動星河五夜來
羅隱詩畱仍水殿
伯陽仙去只

山隈長空送目雲霞晚兩腋天風下鳳臺

蜀山詩

龔志益

十年前此問巖阿醉倚南窗共放歌一徑鳥聲喧夕
照半湖帆影亂湖波林深石磴通遊屐松下寒泉映
女蘿今日重來尋舊跡龍孫惟悴已無多

登四頂山望湖作

許如蘭

嵯峩直上極層椒絕頂峯煙四望遙山色西來連霍
麓濤聲東去逐江潮天邊賈舶千帆遠水底魚龍萬
象驕況是仙靈多窟宅伯陽丹鼎靄晴霄

箏笛浦

國朝
龔鼎孳

合肥縣志卷三十一

集文 十六

美人畫舫嬌歌舞煙鬟無數沈黃土香魂一片化湘
雲千年尚聽殘簫鼓簫鼓殘君莫哀曾聞孟德風流
處賣履分香銅雀臺

焦湖晚眺

程汝璞

日落湖光斂山浮數點蒼風高千帆急雨洗萬峯涼
波闊魚龍靜天空雁鷺翔閒心似秋色隨意寄滄桑

姥山夜泊

一舟輕似葉款乃泊秋山蔬酌臨風舉蓬牕帶月關
甘隨青嶂遠心與白雲閒漁火菰蘆外淩波自往還

讀書湖心草堂

萬頃蒼濤一碧浮，憑虛直欲問丹邱。
春潮帆外收吳楚，夜月尊前落斗牛。
風雨自來山谷響，塵埃不到嘯歌幽。
登臨常作凌虛意，手攬雲煙接素秋。

登鎮淮樓

許裔蘅

登高俯四野，雄鎮自淮西。
吳楚當窗見，雲山入檻低。
風清箏浦近，日落弩臺迷。
廿載荆榛地，新來約共題。

登思惠樓舊址有感

許裔馨

高樓舊址出崇臺，此日登臨湖劫灰。
萬里蒼煙迷北望，千峯寒色自東來。
淮流勢入荒原斷，箏浦聲畱故國哀。
遺礎那能知惠政，曾看五馬踏春回。

合肥縣志卷三十一

集文 十七

北鄉田家

李天馥

農家貴力作，可以資吾身。
拮据饔餐計，能令甑絕塵。
北鄉殊不然，草宅弛耰耘。
溝塍亦殊佳，胼瘃非所馴。
樹下閒水特，桑柘前未聞。
兒女但嬉嬉，孰解豢雞豚。
比閭無園圃，菘韭等八珍。
何以延卒歲，嗟哉此惰民。

鳳皇橋觀水

鳳皇誌失傳，橋名仍鳳皇。
四野皆枳棘，來儀疑荒唐。
九苞邈何許，有水聲鏘鏘。
其下湧甘泉，澄澈可濫觴。
南走勢漸寬，瑤英鬱淙汪。
奇石生兩崖，斑駁多文章。
嵒岬雁齒排，鱗次自成梁。
迴繞折而東，奔湧聞湯湯。

鰕鮒競隨之歷歷可數量
荇藻繡於濱作花揚紛芳
上與藤蘿攀日月無全光
駕鳧及鳩鵲波陸相浮翔
膠狹不可舟何以鳴吾榔
獨能效鄭渠周環隴畝旁
倘藉資灌溉一夫疏隄防
土澤黍稷榮因之薦馨香

孤山

方驚波勢險中流忽孤嶼
無地接郊原有天近風雨
一壁插九霄千尋週數武
世界入虛空歲月迷今古
春色半連吳灝氣遙涵楚
攻岸鼉鼉鳴鼓浪蛟龍怒
邨落暗遠洲帆影渺前渚
重階遞嵯峩磴道盤曲阻
下方夔無垠躡足煙霞俯
巖洞晝氤氳齒齒垂寶乳
荒亭世代遙停午濃靄聚
老樹相蔽虧奇聳冒石柱
矯矯綠雲嶺翱翔皆靈羽
眾籟動清機自然成律呂
塵囂覺潛逋髣髴躋玉宇
撫茲怡我神飄飄欲輕舉

箏篴浦

漁唱朱灣歇胡來絲竹音
循音事窮探乃在渟泓心
悽悽婉以幽寄怨亦何深
曾聞魏諸姬膠舟南浦陰
豔質付清波水大雨淫淫
不能變猿鶴蟲沙紛浮沈
我欲然犀照愁見遺釵簪
北望銅雀妓先後自同吟

道林寺故址

貴主禮金粟精舍藏浮槎
大家方舍身女亦歸薄迦

羞吹來鳳簫法喜憐柔嘉蒼涼千載餘奇峯空湖涯
遺跡鬱窈窕道林茲非邪一井甘泉水一樹石榴花

四頂山

蔡宅久塵囂麻姑不復返寥寥哉魏君攜犬凌絕巘
四峯相蔽空下帶泉混混驅龍耕白雲種芝三百本
丹成戲死生寄湖騎赤鯁我來悄無人螺鈿自舒卷
細讀參同契悠然感嘉遯

九日遊蜀山

重巒極望樹千章款段風柔趁夕陽叢竹修藤無定
境黃榆烏柏有微霜雲間梵宇疎鐘遠山下人家晚

稻香卻悔數年遊宦拙等閒畱滯負秋光

遊姥山詩

碧雲樓閣倚煙鬟門徑清溪玉一灣別苑波澄疑弱
水遠帆影亂似君山寒來虛白凌焱羽晚霧空清泠
珮環聞道祈靈諸女盛藤蘿香徑古躋攀

合肥久旱郡守見陽張公下車異政疊聞時

雨大沛

薄俗囂凌歎梓桑望風今喜懾張網既能按部除糧
莠何患逢秋不稻梁自是 前饒治行卻教管内擅
文章鸞臨鹿夾知多少豈比珠還說孟嘗

新稔誌喜

西疇初稔各嬉嬉
豔說山家兩日炊
繡畝雲晴收早菽
箬棚陰滿試香麋
身閒久辦租庸調
序改爭明定火觜
月好風甜虛過從
畱賓良愧鄭當時

廬居白燕

茆簷兀坐戀斜暉
玉剪何來相向飛
趁月橫塘三影漾
受風岐路半規微
臺無藻井持筐絕
巷別烏衣伴塵非
多謝懷音頻下上
白頭友漸久忘機

黃山象隱庵

許孫荃

茲山何嶮巖
清泉亦滄淚
泉勢互迴伏
山形迭俯仰

合肥縣志卷三十一

集文二十

香龕結層巘
乃在空翠上
疎磬出幽篁
冷然滌煩想
澗午松風涼
黽語自來往
時聞伐木聲
林虛巖壑響
流水遶僧廚
秋花靜禪賞
日入萬象閒
樓高延月敞
雲臥摘星辰
天低接蒼莽
對此息諸緣
願言謝塵塊

月下箏笛浦聽漁唱

許孫菑

盈盈一水遶城隈
城下清流去復回
指點英雄行樂處
煙簑釣艇時時來
月明風起波如練
美人髣髴空
中見在昔蘭橈
畫舫停清歌
妙舞遲佳讌
錦瑟銀笙碧工簫
湘裙綠鬢桃花扇
綺羅絲竹一時休
煙樹簫騷蘆荻秋
人靜猶疑環珮響
夜闌如聽管弦勝境

良辰容易改青天明月常常在當年歌舞彩雲飛
漁唱三更聲曖迺迺淒涼不可聞斷橋寒浦水潺湲
掉舟直入菡萏去嫋嫋微風浥香露泠然一曲古今
情清夢徘徊狎鷗鷺

春日過朝霞山

亭午過朝霞山谿畧約斜細泉分石齒晴鳥亂銀沙
地遠昔年夢春濃野寺花晚煙迷短騎歸路柳條遮

八斗嶺

相傳嶺下有
陳思王墓

李孚青

悵別白馬王東阿喟身後斯人止四十曠代誰八斗
才名是處重僻地爭培塿不見洛川神哀湍瀉林藪

合肥縣志卷三十一

集文 二十一

魏志植嘗登魚山臨東阿喟然有終焉之心遂營墓其地卒年四十一

伏羲山

虛白曳雲衣濃綠施煙鬢率律失平地剛耿當重關
鈎梯聳絕壁清澗時彎環啼鳥非凡聲老鹿馴欲仙
未審上古帝遺蹟奚由傳盛衰幾滄桑山名猶昭然
或因憫流俗故開淳樸天所以高尚士必話羲皇年
低徊動遇矚百里落眼前二華與五時俱可螻蟻觀
殿閣沙何許鐘磬非人間青松涵太空浩蕩難追攀
堪嗟下土愚瞻顧知無端迴風吹矯首斜日催征鞭
靈境不可駐此去仍塵寰

蜀山西崦人家

蜀山淮小山亦解弄嬌態露紛臺鮐髮點眉京兆黛
勢接龍舒峯公然欲行輩譬華周杞梁睥睨五乘墜
白雲午初歸人家出靉黷炊煙復間之店門有餘靄
暗泉瀉山廚老樹倚牀背刈穫將畢功場圃閒耕耒
吾廬相似否一笑較城內翠微宛曩昔廿年經又再
來朝相望處佛頭遠猶在

小史港三首

夫婿非秋湖妾身是羅敷府吏十百輩不如夫婿殊
母憎無勤情母怒無貞淫甘學韓憑婦未察韓憑心

孔雀寧斷尾不忍兩分張生爲孤鴻鵠死作雙鴛鴦

宋節婦歌

君家恒苦貧妾勤機杼共昏晨君家忽嬰疾妾鬻簪
襦換苓朮君飽妾亦飽君饑妾亦饑君死復無後大
義當相隨使粟如土不入口使漿如泥不沾手寧教
死作饑鳳皇豈爲家雞野鴛趨廚倉前身廬江雙孔
雀後身青陵兩鴛鴦吁嗟乎方家新婦乃能半月不
食死人生日不再食則饑矣

湖口守風雜題三首

羣峯西遞佛頭濃和雨和煙一萬重十八洞天看不

盡金庭又打午時鐘

舉網扳罾踏水車湖邨隨處事農漁夕陽自飽魚羹

飯不請端明爲請書

見嬾真子錄

秋吳曉楚白糲糊樹薺舟鳧乍有無五日狂風三尺浪北人誰敢鼓嚨胡

卻望湖中諸山

孤山妮嬖出天姿帝女峯還太姥祠更有朝霞開睡臉大圓鏡裏四蛾眉

巢湖篇

許夢麒

巢湖之水夔無涯滉漭滿幟青琉璃盤曲三百六十

汜周袤百八里有奇列山張屏紫翠繞姥姥孤峯矗
縹渺扁舟欲問淺深宐暗逐鳴榔始能曉孫郎赤烏
二年前雄州此設饒炊煙一夜雷雨坤軸裂變爲滄
海無桑田每際疊霧重霾候女牆萬騎呈奇觀千古
銜冤氣結成豈同幻市當清晝綺樓如鳳翔湖菊文
椀畫棟何輝煌碧霞元君執圭璧坐鎮福地居中央
棹艤彼岸爭展拜黃流巽羽交相賽紙錢旋作蝴蝶
飛總爲風饕舞澎湃青天倒入水精盤日月波底跳
雙丸卽離摩盪光激射揚鬢鼓鬣虬龍翻海潮灌進
江潮長江潮不退湖潮廣舊歲渝溢滄平疇迴湍飛

沫驚渤蕩就近邨落紛移家婦攜女兮兒嘑邪嬰鱗
誰觸洞庭怒戕生傷稼良堪嗟寰區名湖難悉數白
馬彭蠡亦曾覩若以方茲一勺多安敢與之較門戶
我今浮舫春初晴洪連捲起微紋生眼邊空闊快彌
望船頭科跣鋪桃笙臨鏡把竿興可托瓦釜烹鮮聊
供酌歸來縱筆寫此篇卻餞殘陽下山腳

中廟

秦 咸

赫赫雄名廟水涯入門驚見坐柔嘉香林下植將軍
樹綺徑惟開帝女花四面晴峯來遠黛一湖秋水浸
浮槎下方饒有煙霞氣疑是金庭羽士家

合肥縣志卷三十一

集文 二十四

詠四頂山朝霞

沈宏祚

倚空標竒姿映湖發秋色當窗時有無晴雨在頃刻

小史港

田實發

沈淵義如山懸枝淚如雨黃蘗與蓮葯各是一般苦

子胥臺

龔 楚

吳強越破楚鞭餘竟使夫差勝闔閭不料一身傾宰
詔轉慚七日泣申胥空江月冷蘆花夢寶匣鋒寒鶴
市居太息遺基何處是殘陽漠漠下荒墟

李陵廟

重圍深入計原疎兵敗途窮力盡初漢帝寡恩臣至

此蘇卿返國爾何如殊鄉落日千山雪痛哭陳情一
紙書此處未應遺廟在尋鐘仍向遠公廬

宿福巖寺

史臺懋

破寺雲光裏人稀盡日閒鳥歸花外磬僧夢雨中山
隔牖香飄樹空堂犬護關黃昏不能去獨坐古松間
萬壽寺後禪院看花

古寺花開遍遊人總不知閒來尋竹徑初見過墻枝
樹老蒼皮澀年多畫檻欹一僧相問訊垂髮白於絲
楊將軍廟題壁

將軍百戰後過客一憑欄窗可青山鑿城隨白水盤

土龕生溼菌古鼎燼沈檀薄暮鐘聲絕山門落照寒

遊睡佛庵

周大槐

路入招提得睡鄉毒蛇除卻好相羊低頭欲學阿羅
漢不作邯鄲夢裏忙

詩餘

淡黃柳

有序

宋
姜夔

客居合肥南城赤闌橋之西巷陌淒涼與江
左異唯柳色夾道依依可憐因度此闌以紓
客懷

空城曉角吹入垂陽陌馬上單衣寒惻惻看盡鷺黃
嫩綠都是江南舊相識 正岑寂明朝又寒食強攜
酒小喬宅怕梨花落盡成秋色燕燕飛來問春何在
惟有池塘自碧

淒涼犯

仙呂調犯商調

合肥縣志卷三十一

集文 二十六

合肥巷陌皆種柳秋風夕起騷騷然予客居
闔戶時聞馬嘶出城四顧則荒煙野草不勝
淒黯乃著此解琴有淒涼調假以爲名凡曲
言犯者謂以宮犯商商犯宮類如道調宮上
字住雙調亦上字住所住字同故道調曲中
犯雙調或於雙調曲中犯道調其他準此唐
人樂書云犯有正芻偏側宮犯宮爲正宮犯
商爲芻宮犯角爲偏宮犯羽爲側宮此說非
也十二宮所住字各不同不容相犯十二宮
特可犯商角羽耳予歸行都以此曲示國工

田正德使以啞鶯栗吹之其韻極美亦曰瑞
鶴仙影

綠楊巷陌秋風起邊城一片離索馬嘶漸遠人歸甚
處戍樓吹角情懷正惡更衰草寒煙淡薄似當時將
軍部曲迤邐度沙漠 追念西湖上小舫攜歌晚花
行樂舊遊在否想如今翠凋紅落漫寫羊裙等新鴈
來時繫着怕匆匆不肯寄與悞後約

滿江紅

有序

滿江紅舊調用仄韻多不協律如末句云無
心撲三字歌者將心字融入去聲方諧音律

合肥縣志卷三十一

集文 二十七

予欲以平韻爲之久不能成因泛巢湖聞遠
岸簫鼓聲問之舟師云居人爲此湖神姥壽
也予因祝曰得一夕風徑至居巢當以平韻
滿江紅爲迎神送神曲言訖風與筆俱駛頃
刻而成末句云聞珮環則協律矣書以綠箋
沈於白浪辛亥正月晦也是歲六月復過祠
下因刻之柱間有客來自居巢云土人祠姥
輒能歌此詞按曹操至濡須口孫權移操書
曰春水方生公宜速去操曰孫權不欺孤乃
撤軍還濡須與東關相近江湖水之所出入

予意春水方生必有司之者故歸其功於姥
云

仙姥來時正一望千頃翠瀾旌旗共亂雲俱下依約

前山令駕羣龍金作輶相從諸娣玉爲冠

廟中列坐如夫人者

三十向夜深風定悄無人聞珮環 神奇處君試看奠

淮右阻江南遣六丁雷電別守東關卻笑英雄無好
手一篙春水走曹瞞又怎知人在小紅樓簾影間

補遺

包孝肅祠

梁清標

孝肅祠堂劔珮閒香花墩畔聽潺湲嚴霜落後瞻遺像濁水澄時見笑顏異代姓名童語習中宵風雨鶴飛還古今此地無關節白日孤城冷蜀山

再經廬州謁包孝肅祠

錢陳羣

古郡城南路清風包老祠神明畱案牘井里祀威儀慶歷多君子斯人亦我師重來仍使節下馬薦芳蘼

護城道中

王恕

衰柳仍長路枯禾自瘠田關心舊赤子悵望遠邨煙

合肥縣志卷三十一

集文二十九

涸井人爭汲斜陽馬不前艱難如此似或恐細民偏

讀合肥縣志

李堯文

一邦載籍徵良史已事眞堪未事師曠代興衰成往復寸心敬肆繫安危地名沃土求盈澮邑號巖疆重守埤落落二三循吏傳風塵爲問後來誰

百年雨露畱青野千古風雲付碧苔馴悍要培忠義氣董偷更植秀靈材藟蕘供頓皆民力筐篚趨承豈吏才措置茫茫生百感幾番撫卷獨遲徊

合肥縣志卷第三十一